

學傳授申候、新曆未御本清書相濟不申候間、半傳授申候、授時大統兩部は皆相傳申候、如何様以折可得御意候、恐々謹言、

袖書

猶々貞享曆秘傳甚御座候、安家には神文書被指上候、其様子杉大夫殿御物語申候條、不能詳以上、

八月七日

保井算哲

春海花押

賀茂豊前様

〔秦山集四十八祭文〕祭文澀川先生文乙未十月六日

嗚呼哀哉、先生之於天兮、我國開闢以來、其一人歟、何其割符離合日月、指掌低昂星辰也、邪、神代伊弉諾尊立春秋、以分表中底之天、人世神武天皇興曆法、乃成十二月之年、神聖之蘊微乎淵矣、爾來千載、斯道莫傳、真野曆名乎曆術兮、左袒徐昂、知其學之疎、晴明也、妙乎天象兮、推步之策、則不免闕如、夫星宿之在天、如城邑之列地、有古存而今亡者、有古隱而今示者、先生皆能識別而字之、日月之會同在天、有定期、淳風虛進、徒爲參差、郭氏乘除、猶未明備、先生創行差之術、兩曜正合乎天矣、日行之盈縮、限以冬夏至、入氣之忒、先生始試南斗之初、東井之四、古今交食、豪釐不貳、歲旦奏七曜曆、至元亨、無廢絕、干戈侵尋、推步滅裂、貞和三星之變、當時有恠而記之、降而至于近世、莫識其光芒之髣髴、先生之明、毫分縷別、張子信積候、郭守敬細行、游刃於肯綮、五緯得其列、偉哉、貞亨朝儀復式、其他日月地之近遠、陰陽曆之強弱、前乎千歲之古曆、後乎千歲之改曆、言之析乎絲髮、莫不爬梳抉剔、著書數千言、一一合符契、蓋自非星辰降而化人、何以如此之明白也哉、嗚呼哀哉、吾神道之統遠出乎天、伊弉諾尊以是傳之天照大神、天照大神以是傳之瓊々杵尊、列聖相承、未嘗失隕、兒屋太玉、猿田彥、內外相守如一身、中古以